



Nuuk ulloq 1. august - 2018

Inatsisartut Suleriaasianni § 37 imm. 1 naapertorlugu Naalackersuisunut apeqquut imaattoq matumuuna saqqummiuppara:

**Naalackersuisunut apeqquutit:**

- 1. Qeqertarsuup Tunuanut Kujataanullu tunngatillugu kiffartuussinissamut isumaqatigiissutit qanoq sivisutigisumik atuuttussaappat, tassani Disko Linep kiffartuussinissamut isumaqatigiissutit ilaanik tigummivoq?**
- 2. Naalackersuisut naatsorsuutiginerlugu kiffartuussinissamut isumaqatigiissutit atuuttut taamatut isikkoqartillugit sivitsorneqarumaartut?**
- 3. Kalaallit Nunaata kujataani ataqatigiissumik angallanneq qularnaarneqassappat ukiuni tulliuttuni aningaasanut inatsisitigut tamanna qanoq akeqassava aamma aningaasat suminganniit aaneqartariaqassappat?**  
**- Tassa imaappoq, qularnaarlugu Air Greenlandip Disko Linellu suleqatigiinnissaat aamma qularnaarsinnaallugu aallangitsoortoqartillugu angalasut ataqatigiissumik kiffartuunneqarsinnaanissaat?**
- 4. Air Greenlandip Disko Linellu Naalackersuisunut piffissap ingerlanerani oqaloqatigiissutigisimanerlugu billittip akianut ilanngullugu pinngitsoorani angalanerup sillimmasernissaanut akiliisoqartalernissaa?**
- 5. Kujataani Avannaanilu Disko Linep kiffartuussinissamut isumaqatigiissuteqarfigisaani kinguaattoortoqartillugu aallangitsoortoqartilluguluunniit kiffartuussinermut isumaqatigiissutit allangortillugit unnuisariaqartarnernut aningaasartuutit allallu aningaasartuutit pinngitsooratik qularnaarneqassappata pisortanut tamanna ukiumut qanormita naleqassava?**
- 6. Naalackersuisut naatsorsornikuunerlugu kiffartuussinermut isumaqatigiissutit allangortillugit soorlu Blue Ice allallu angallassisartut namminersortut imartani sikusartuni akulikittumik angallassisartut ilanngunneqartuuppata tamanna qanoq akeqassanersoq, taamaaliornikkut qularnaarumallugu Kujataani Qaortumiit Itilleq/Igalikumut taamatullu Narsarsuarmut angallassisalernissaq?**
- 7. Naalackersuisut pilersaaruteqarnerlutik kiffartuussinermut isumaqatigiissutit allangortillugit annertusaanissaminut?**  
**Taamaassimappat sooq? Taamaangippat soormita?**



SULEQATIGIISSTISUT  
SAMARBEJDSPARTIET

**8. Kiffartuussinermut isumaqatigiissutini utertitsisarnissaq Naalakkersuisunit ilanngunneqarsimanerluni imaluunniit isumaqatigiissut alla angallassisartut akiliisartussanngorlugit kinguaattoorsimappata imaluunniit aallanngitsuuginnarsimappata imaluunniit pilersaarutaareersut naapertorlugit angallassinertik ingerlassinnaanngippassuk?**

**- Allatut oqaatigalugu kinguaattoortoqartillugu allanilluunniit pisoqartillugu kiap aningaasartuutit ersuttarpei?**

**Imaannerluni Landskarsi, aningaasanut inatsimmi sinaakkusiussat naapertorlugit aningaasartuutitik ersuttuusartoq, aningaasartuutitik akiliisartoq imaluunniit innuttaasut ataasiakkaat namminneq toqqaannartumik nammatassinneqartarpat imaluunniit ingerlatseqatigiiffik angallassisinnaasimanngitsoq?**

**9. Naalakkersuisut pilersaaruteqarpat kiffartuussinermut isumaqatigiissutit eqqarsaatigalugit siunissami angallassisalersussanut kaammattuutigissallugu angallavinni assigiinngitsuni angallassisartut suleqatigiittalernissaannut taamaasillutillu Kalaallit Nunaata nunatsinni namminerimi nunanilu allani takornariarfitalattut tikiffissatullu tusaamasanaanera isigineqarneralu qularnaarlugu.**

#### **Tungavilersuut:**

Innuttaasut paatsiveeruteqqapput aamma takornariat akornanni paatsiveeruteqqapput ataqatigiissunik billittisisoqarsinnaanngimmat, taarsiisoqarsinnaanngimmat aallanngitsoortoqartillugu soorlu unnuinissanut il.il. angallavinni assigiinngitsuni arlallit angallassivigisartagaanni ikioqatigiiffiusussani angalasut pitsaasumik misigisaqartikkumallugit.

Kalaallit Nunaata Kujataani allanngitsoortoqakkajuppoq ilaatigut sikorsuaqartarnera pissutigalugu aamma misigineqartuarpoq angalasut uniinnartariaqartarnerat taarsiiffigineqannguaratik aqutit allat atorlugit angalasinnaanatik allaat bilittitik annaasinnaallugit.

Taamaattumik aappaluttumik billettumik taaneqartartunik billetteqarluni angalaneq annaasaqaataasinnaasarpog uffa pilersinneqarnikuugaluartut pissanikkinerit angalasinnaaqqullugit akikinnerusumik, piffissani aallarffissani pilerigineqarpallaanngitsuni.

Tusartuarpagut angalasut ingerlaqqissinnaajunnaartut tamannalu Kalaallit Nunaata takornariarfittut tusaamaneqarneranut iluaqutaanaviannngilluinnarpoq imaluunniit nunami namminerimi ilaasut kinguaattoortartut imaluunniit nunami namminerimi aggerfillit angalasut sulinggiffeqarlutik angalaniartut kinguaattoortut tusartuarpagut.

Kissaatiginassagalarpoq paasisaqarfigissallugu allannguiniarluta sunik allanik periarfissaqarnerisugut tulliani kiffartuussinermut isumaqatigiissutit isumaqatigiinniutigineqalerpata.

Peqataanik eqqumiiginarpoq sumiiffinni pineqartuni angalatitsisartut namminersortuaqqat atorneqartillugit ajornartorsiutit siumorneqarneq ajormata, tamakkuli Disko Linemit isumaqatigiissuteqarfigineqarnikuunngillat uffa taakkorpiaat angallassisinnaagaluartut soorlu Qaqortumiit Itillermut/ Igalikumut taamatullu Narsarsuarmut.

Innuttaasunut takornarianullu paasiuminaassinnaasarpog soog kiffartuussineq taama ajortiginersog sualummik namminersorlutik oqartussat angalatitseqatigiiffii isumaginnittuutillugit taamaattumik



SULEQATIGIISSITSISUT  
SAMARBEJDSPARTIET

kissaatiginarpoq nassuiaasoqarnissaa sooq taamaattoqarnersoq - paasisinnaaniassagatsigu sooq Disko Line angalatitseqatigiiffinnut allanut minnernut isumaqatigiissuteqarsimannginnersoq nammineq angalasunik angallassisinnaasimatinnagu sikorsuaqarnera pissutigalugu il.il. taamatullu aamma kissaatiginarpoq paasissallugu sooq Air Greenland taama akulikitsigisumik aallajaartaqinersoq ilaasussat qimaannarlugit. Taamaattumik arlalinnik apeqquteqarpunga.

Akeqquneqarput ullut sulliviit naliginnaat qulit iluanni.

Tillie Martinussen

Samarbejdspartiet - Suleqatigiissitsisut